

16 APR 1996

AGONG UTUS TAHNIAH KEPADA SYRIA

KUALA LUMPUR, 16 April (Bernama) -- Yang di-Pertuan Agong Tuanku Ja'afar berkenan mengutus ucapan tahniah kepada Presiden Syria Hafiz Al-Assad sempena Hari Kebangsaan negara itu esok.

Dalam perutusan itu, Seri Paduka Baginda berharap Syria akan terus menikmati keamanan, kemajuan dan kemakmuran di bawah pimpinan Assad.

Perdana Menteri Datuk Seri Dr Mahathir Mohamad dalam perutusannya kepada rakan sejawatannya Mahmoud El-Zou'bi yakin kerjasama antara mereka dapat mengukuhkan lagi persahabatan rakyat kedua-dua negara.

"Saya juga berharap kita akan dapat mencari ruang untuk meningkatkan kerjasama perdagangan dan bidang lain yang memberi keuntungan secara bersama," katanya.

Menteri Luar Datuk Abdullah Haji Ahmad Badawi juga mengutus perutusan yang sama kepada rakan sejawatannya Farouk Al-Shara. -- Bernama.

RV AHH